

Grein I

Nefndir ÍSS

Eftirfarandi fastanefndir skulu starfa innan ÍSS: Afreksnefnd, Dómaranefnd, Laganefnd og Þjálfaranefnd.

Stjórn ÍSS er heimilt að skipa aðrar nefndir til einstakra verkefna hverju sinni.

Formenn fastanefnda ÍSS skulu kosnir á skautþingi til tveggja ára í senn nema Laganefndar sem skal skipuð skv. reglugerð um Laganefnd. Stjórn ÍSS skipar til viðbótar, í samráði við formenn hlutaðeigandi nefnda, tvo til fjóra nefndarmenn. Afreksnefnd skal skipuð fagfólki, að lágmarki að meirihluta og skulu nefndarmenn vera einstaklingar óháðir einstökum iðkendum eða félögum. Dómaranefnd og Þjálfaranefnd skulu skipaðar fagfólki eingöngu.

Formenn nefnda boða fundi og stýra þeim. Nefndir hafa ekki sérstakan fjárhag eða ákvörðunarvald og eru stjórn ÍSS til ráðgjafar. Heimilt er þó að fela þeim ákveðna ábyrgð og skal skilgreint í starfsreglum nefndanna hvernig staðið skuli að ákvarðanatöku.

Starfstímabil fastanefnda er fram að næsta skautþingi.

Framboðum til formanna fastanefnda skal skila til ÍSS 3 vikum fyrir skautþing. Berist engin framboð fyrir tilskilinn frest er hægt að bjóða sig fram á skautþingi.

Ástæða: Að koma tæknilegum málefnum er varða iþróttina meira undir starfssvið fagfólks eins og gert er í öðrum sérsamböndum og að virkja fagfólk betur í starfsemi ÍSS.

Grein II

Verkefni fastanefnda.

Helstu verkefni fastanefnda ÍSS skulu vera sem hér segir:

1. Afreksnefnd er stjórn til ráðgjafar um val á landsliði og viðmiða til vals á landsliði. Nefndin skal skipuð einstaklingum óháðum einstökum keppendum eða félögum og starfa skv. reglugerð um afreksnefnd.
2. Dómaranefnd er stjórn til ráðgjafar um málefni dómgæslu og dómakerfa sem og námskeiðum fyrir dómara.
3. Laganefnd skal vinna að endurskoðun laga og reglugerða og skal skipuð af stjórn ÍSS skv. reglugerð.
4. Þjálfaranefnd er stjórn til ráðgjafar um keppniskröfur ÍSS, markmiðssetningu íþróttarinnar sem og námskeiðum fyrir þjálfara.

Að auki geta nefndir ályktað um einstaka málefni er upp gætu komið á starfstíma þeirra stjórn ÍSS til ráðgjafar.

Nánari verklýsingu nefnda skal setja í reglugerðum.

Ástæða: Að setja í lög verkaskiptingu fagnefnda. (ATH. hangir með tillögu I)

Grein III

Vanhæfi

Einstaklingi í trúnaðar- og ábyrgðarstöðum innan ÍSS ber að víkja sæti við meðferð og afgreiðslu máls er varðar hann eða nána venslamenn hans svo sérstaklega að almennt má ætla að viljaafstaða hans mótist að einhverju leyti þar af. Skal það fara að sjónarmiði Siðareglna ISU og íþróttahreyfingarinnar á Íslandi.

Ástæða: *Eykur trúverðugleika og eflir traust.*

10. Grein

Stjórn

Stjórn sambandsins skal skipuð fimm einstaklingum og tveimur til vara. Formaðurinn er kosinn sérstaklega á skautþingi en aðrir skipta með sér embættum, varaformaður, gjaldkeri, ritari og meðstjórnandi. Varastjórn er kosin sérstaklega.

Framboðum til stjórnar, varastjórnar og nefnda skal skila til ÍSS 3 vikum fyrir skautþing. Ef ekki berast framboð fyrir þann tíma er leyfilegt að bjóða sig fram á skautþingi.

Ástæða: Gefa þarf kjörbréfshöfum nægan tíma til að kynna sér þá sem í framboði eru og málefni þeirra. Sett upp vegna athugasemda sem bornar voru upp af þingforseta á síðasta skautþingi.

6. Grein

Skautaþing

Skautaþingið fer með æðsta vald í málefnum ÍSS. Þingið sitja fulltrúar frá þeim íþróttabandalögum og héraðssamböndum sem mynda ÍSS.

Þingið skal haldið annað hvert ár í apríl eða maí. Skal boða það bréflaga með minnst 1 mánaðar fyrirvara.

Málefni sem sambandsaðilar óska eftir að tekin verði fyrir á þinginu skulu tilkynnt stjórn ÍSS minnst 3 vikum fyrir þingið.

Þá skal stjórn ÍSS tilkynna sambandsaðilum dagskrá þingsins ásamt tillögum, **framboðum** og lagabreytingum sem borist hafa í síðasta lagi 14 dögum fyrir þing.

Skautaþingið er lögmeitt ef löglega hefur verið til þess boðað.

Á skautaþingi hafa kjörnir fulltrúar einir atkvæðisrétt. Auk þeirra eiga rétt á þingsetu og hafa málfrelsi og tillögurétt.

- a) Stjórn ÍSS, varastjórn og endurskoðendur.
- b) Framkvæmdastjórn ÍSÍ.
- c) Fastráðnir starfsmenn ÍSS og ÍSÍ.
- d) **Nefndarmenn fastanefnda ÍSS.**
- e) Stjórnir héraðssambanda
- f) Stjórn ÍSS getur auk þess boðið öðrum aðilum þingsetu ef hún telur ástæðu til.
- g) Heiðursfélagar ÍSS.

Ástæða:

Liður 4. málsgrein. Framboðum bætt við í tilkynningalista og hangir með breytingatillögu að 10. grein.

Liður d) Viðbót og hangir með breytingatillögu I og II. Eykur viðveru og þátttöku fagfólks í skautaþingi. Aðrir liðir hafa verið færðir niður.

8. Grein

Dagskrá skautapings skal vera:

1. Þingsetning
2. Kosning þriggja manna kjörbréfanefnd.
3. Kosning þingforseta.
4. Kosning þingritara.
5. Skýrsla stjórnar lögð fram.
6. Endurskoðaðir reikningar sambandsins lagðir fram.
7. Umræður og samþykkt reikninga.
8. Ávarp gesta.
9. Fjárhagsáætlun næsta árs lögð fram.
10. Kosning þingnefnda.
11. Lagabreytingatillögur.
12. Aðrar tillögur sem kynntar voru í fundarboði.
13. Teknar fyrir tillögur og önnur mál sem lögð hafa verið fyrir þingið ef þingmeirhluti leyfir.
14. Nefndir starfa.
15. Nefndir gera grein fyrir störfum sínum.
16. Umræður um tillögur nefnda og atkvæðagreiðslur um þær.
17. Kosning stjórnar og varastjórnar, skv. 10.gr.
18. Kosning formanna fastanefnda.
19. Kosning tveir skoðunarmenn reikninga.
20. Kosning fulltrúa á Íþróttaping ÍSÍ, skv. lögum ÍSÍ, á því ári sem Íþróttaping ÍSÍ fer fram.
21. Þingslit.

Einfaldur meirihluti ræður úrslitum mála, nema annað segi í lögum þessum.

Til breytinga á lögum þarf samþykki 2/3 hluta atkvæðisbærra fulltrúa.

Ástæða: Hangir með tillögu I og II. Koma þarf kosningu formanna fastanefnda inn í dagskrá skautapings.